

Inatsisartut suleriaasianni § 37, imm. 1 naapertorlugu, matumuuna Naalackersuisunut imaattunik apeqquteqarpunga:

Naalackersuisunut apeqqutit:

1. Angerlarsimaffeqanngitsuuneq pillugu periusissiat taassumalu ingerlallugu pilersiortornissaanut iliuusissat pillugit suut aaliangersimasumik suut piareersarneqarpat suullu maannamut aallartisarneqareersimalerpat?
2. Housing First-pilotprojekti Nuummut tunngasoq aqqutigalugu qanoq amerlatigisunik initaarnissamut pilersitsisoqarpa, aammalu illoqarfiit sineriamiittut allat nunaqarfiillu eqqarsaatigalugit qanoq pilersaaruteqarpa?
3. Naalackersuisut qanoq sumiiffiit angullugit malinnaatigaat pilersaarummi anguniagaasut eqqortumik anguniarneqarnissaannik qulakkeerinninnissamut, ilaatigut Nuummit taamatullu illoqarfinni sinerissamiittuni nunaqarfinni isorliunerusunilu angerlarsimaffeqanngitsut pillugit suliniuteqartoqarnissaa siunertaralugu?
4. Naalackersuisut qanoq qulakkeerniarnikuuaat kommunit pisariaqartutugut periarfissaqarnissaat pitsaasumik sukkasuumik sukkulluunniit angerlarsimaffeqanngitsunut ikiuinissaminnut sakkussaqaarlutik iliuuseqarnissaannik, illoqarfinni Nuuk avataatigut inissisimasunut angerlarsimaffeqanngitsut pitsaasumik ikiorneqarnissaat pitsaanerpaatinniarlugu?
5. Sumiiffinni illoqarfinni Nuuk iluani avataanilu angerlarsimaffeqanngitsunik suliniuteqarnek nalunaarsuisarnerlu qaqugu killiffissiorneqassava naleqqussarneqarlunilu?
 - a. Kisitsisit nutaajuppat nutaallu pissarsisanerani qanoq iliortoqartassava taamatullu angerlarsimaffeqanngitsunut qanoq pinaveersaartitsinermut atorneqarlutillu angerlarsimaffeqanngitsut qanoq ikilisarniarneqaqqissappat?

(Inatsisartunut ilaasortaq Jens Nap̃t̃ōK', Naleraq)

Tunngavilersuutit:

Naalackersuisut 2023-mi januaarimi tamanut saqqummiuppaat angerlarsimaffeqanngitsunut tunngatillugu pilersaarut nunap tamakkerlugu atuuttusseq qulequtalerlugu "Angerlarsimaffeqanngitsuuneq pillugu Naalackersuisut periusissiat" atorlugu. Pilersaarusiornermi qaqilerttuakangut kiisami aaqqiiffiginiarneqarnissaat anguniagaqaraluarput tassalu angerlarsimaffeqanngitsut ikilisinnissat pillugu qanoq

iliuuseqarnerup tamakkiisumik aaqqissuunneqarneratigut, ilaatigut Housing First-imik aaqqissuussinikkut nunatsinni angelarsimaffeqaarunissaa angunianeqassasoq, tamannalu suleqatigiilluni aammalu kommunit suleqatigiinnerannik pitsanngorsaalluni aammalu angerlarsimaffeqanngitsunik naatsorsuisarnerup aammalu ilisimatusarnermik pilersitsinikkut ingerlanenqassasut siunnerfiupput inatsisartuniit tapersorsorneqartumik. Maanna sulii angerlarsimaffeqanngisut assut sulii takussaapput sorluluunniit amerleriaannarsimasut ajorluartumik takussaangaarmata.

Ilisimatusarnek siunnerfiuneqartut qanoq atorenqarnerat malinnaaffgiineqarpa kisitsisit qanoq malinnaatinneqarpat– Nuup iluani, sinerissami illoqarfinni nunaqarfinnilu.

Aasaq naajartulerpoq sila qianarseqqilerpoq angelarsimaffeqanngisut ikilisartariaqarnerat siunnerfiunikuusut pillugit piumasarivara periusissiamik ingerlatsineq pissusissamisut ingerlanersooq imaluunniit uninngatiinnarneqaaqqissimanersooq? Aammalu paaserusunnaarpoq qanoq atuutsinneqarnissaa Naalakkersuisut qulakkeersimaneraat suliniutit nunap tamakkerlugu iluaqutaasinnaanissaat anguniarlugu iliuuseqarnerminni.

Apeqqutigineqartut ullut suliffiusut qulit (10) iluanni allakkatigut akineqareersimanissaat piumasarineqarpoq. Oqaatsinik nutserisimanerme paatsuungasoqassatillugu kalaallisut allassimasooq aallaavigineqassaaq.